

## 52. Scribere proposui

Piae Cantiones 1582

Anonymus

The musical score is written in G major and 4/4 time. It consists of three staves of music. The first staff begins with a treble clef and a key signature of one sharp (F#). The melody is simple and homophonic. The lyrics are written below the notes. The second staff starts at measure 5, and the third staff starts at measure 9. The piece ends with a double bar line.

Scri - be - re pro - po - su - i de con - tem - tu mun - da - no,  
Iam est ho - ra sur - ge - re de som - no mor - tis va - no,  
5 Zi - za - ni - am sper - ne - re sum - to vir - tu - tum gra - no:  
9 Sur - ge, sur - ge, vi - gi - la, sem - per e - sto pa - ra - tus.

ref: Surge, surge, vigila &c.

2. Ubi sunt qui ante nos in hoc mundo fuere?  
Venias ad tumulum si vis eos videre:  
Cineres et vermes sunt postquam computruere.
3. In hoc mundo nascitur vir omnis cum moerore,  
Atque vita ducitur humana cum labore,  
Post extremum clauditur cum funeris dolore.
4. Vita brevis, breviter in brevi finietur,  
Venit mors velociter et neminem veretur,  
Omnia mors surripit, et nulli miseretur
5. O si scires gloriam in Regno beatorum,  
Nunquam dares animam ad vana mundanorum,  
Sed servires iugiter Rectori angelorum.
6. O quam felices hi sunt qui cum Christo regnabunt,  
Facie ad faciem dum ipsum inspectabunt,  
Sanctus Sanctus Sabaoth, Domino proclamabunt.
7. O quam dolor flebilis a Christo separari,  
Et nunquam in numeris iustorum nominari,  
Sed semper in tenebris inferni cruciari.
8. O si poenam minimam sentiret damnatorum,  
Bene vim hic sufferes cunctorum tormentorum,  
Ut sic posses fugere dolores captivorum.
9. Ibi nullam requiem acquirunt existentes,  
Nec lassantur Daemones animas punientes,  
Quorum voces clamitant, Vae Vae aeternaliter.